



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-116-4/25**
Datum: **11.04.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica "TALK" d.o.o. Kreševo za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta uslijed rada proizvodnog pogona-kovačnice sa pratećim sadržajima, izgrađenim u naselju Resnik 9, Kreševo, na osnovu člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu "TALK" d.o.o. Kreševo daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekta - proizvodnog pogona kovačnice sa pratećim sadržajima, izgrađenim u naselju Resnik 9, Kreševo, na zemljištu označenom kao k.č. broj: 12/103 K.O. Mrtinići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, "TALK" d.o.o. Kreševo obezbijedi da se sistem za prikupljanje, prečišćavanje i ispuštanje otpadnih voda sa lokacije pogona-kovačnice sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se u roku od 6 (šest) mjeseci završe radovi na sistemu za prikupljanje, tretman i ispuštanje otpadnih voda (postave linijske rešetke, ugradi separator ulja, ugrade odvodne cijevi od separatora do recipijenta) u skladu sa projektnom dokumentacijom a u cilju smanjenja zagađenja te sprečavanja negativnog uticaja na podzemne i površinske vode.
 - 3.3. U toku važenja ovog Rješenja, korisnik predmetnog objekata je obavezan poduzeti sve potrebne mjere kako bi kvalitet tehnoloških otpadnih voda, prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije "TALK" d.o.o. Kreševo u naselju Resnik 9 može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.6. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.12. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbensi, odgovarajuće posude, uređaji za pretakanje i sl.).
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta "TALK" d.o.o. Kreševo, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se izvedu radovi iz tačke 3.2. rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice "TALK" d.o.o. Kreševo obratilo se ovoj Agenciji sa zahtjevom bez broja zaprimljenim dana 12.03.2025 godine, za donošenje rješenja o vodnoj dozvoli za ispuštanje otpadnih voda aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada proizvodnog pogona-kovačnice sa pratećim sadržajima, izgrađenim u naselju Resnik 9, Kreševo, na zemljištu označenom kao k.č. broj: 12/103 K.O. Mratinići.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 051-0-Reg-24-000684 od 30.12.2024. godine izdat od strane Općinskog suda u Travniku-kopija,
- Ovjerena kopija Uvjerjenja o poreskoj registraciji od 22.01.2025. godine, izdatog od strane Porezna uprava-Kantonalni ured Novi Travnik,
- Ovjerena kopija Uvjerjenja o poreskoj registraciji od 22.01.2025. godine, izdatog od strane Porezna uprava-Kantonalni ured Novi Travnik,

- Obavještenje o razvrstavanju dijela poslovnog subjekta prema klasifikaciji djelatnosti broj: 07-28-5-821/25 od 24.01.2025 godine od strane Službe za statistiku za područje Srednjobosanskog kantona,
 - Upit o postavljanju separatora od 11.03.2025 godine,
 - Rješenje o vodnoj dozvoli broj: UP1-06-21-4064/24 od 25.09.2024 godine izdato od strane Ministarstva poljoprivrede, vodoprivrede i šumarstva Srednjobosanskog kantona,
 - Rješenje o prethodnoj vodnoj saglasnosti broj: 05-25-697/17 od 10.11.2017 godine izdato od strane Ministarstva poljoprivrede, vodoprivrede i šumarstva Srednjobosanskog kantona,
 - Dokaz o uplaćenju upravnoj pristojbi 70 KM,
 - Kopija Rješenja o odobrenju za upotrebu broj: 06-19-249/22-3 od 31.10.2022 godine izdatog od strane Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,
 - Kopija Rješenja o odobrenju za građenje broj: 06-23-239 od 09.07.2004 godine izdatog od strane Službe za katastar i imovinsko-pravne poslove, Općina Kreševo,
 - Kopija Rješenja o odobrenju za građenje broj: 06-23-113/17 od 04.12.2017 godine izdatog od strane Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,
 - Račun/otpremnicu broj: 25-300-000034 za separator ulja Roil NS 20 SIP 4000 l sa koalescentnim filterom i automatskim zatvaračem izdat od strane „ROTO BH“ d.o.o. Sarajevo,
 - Dokumentacija o nabavljenom separatoru dostavljena elektronskim putem (izjava o svojstvima, certifikat, rješenje o nostrifikaciji, slovensko tehničko saglasje, ISO certifikat),
- B. Tehnička dokumentacija
- Projekat izvedenog stanja vanjskih hidroinstalacija za poslovni objekat - proizvodni skladišna hala, investitora "TALK" d.o.o. Kreševo, urađen od strane „PERSPEKTIVA-inženjering“ d.o.o. Visoko, april 2024. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ, u skladu sa odredbama Zakona o upravnom postupku, pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-116-2/25 od 09.04.2025. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Lokacija predmetnog pogona-kovačnice se nalazi u naselju Resnik 9, Kreševo, na zemljištu označenom kao k.č. broj: 12/103 K.O. Mratinići.

Pravno lice "TALK" d.o.o. Kreševo posjeduje dozvole od nadležnih organa u kojima se vrši navedena aktivnost i ranije nije posjedovalo vodni akt izdat od strane ove Agencije.

Uz zahtjev je priložen projekat izvedenog stanja vanjskih hidroinstalacija poslovnog objekta-proizvodno skladišna hala. U projektu je navedeno da se otpadna voda javlja u pogonu kovačnice od povremenog čišćenja.

Prilikom uviđaja utvrđeno je da u predmetnom objektu nisu ugrađeni ispusti te da se čišćenje istog vrši suhim putem. Za rasuta ulja od mašina se koriste apsorbenzi (krpe, pucvala, itd) i isti će se prikupljati na propisan način i zbrinjavati od strane ovlaštene firme.

Na lokaciji se nalazi proizvodno skladišni objekat koji je dograđen na postojeći objekat i u istim (oba objekta) se vrše aktivnosti vezane za kovačnicu. Prostor u objektu je organizovan kao poslovni i proizvodni.

Trenutno se u predmetnom objektu proizvodnja vrši povremeno u zavisnosti od potrebe tržišta.

Tehnološki proces rada u pogonu kovačnice na lokaciji Resnik bb čine sljedeće faze: doprema sirovina i njihovo skladištenje, rezanje, lomljenje i sječenje čeličnih profila i čeličnih limova, obrada i oblikovanje čeličnih profila i limova, termička obrada i oblikovanje čeličnih komada i završna obrada.

Otpadna voda sa platoa i internih saobraćajnih površina se slivnicima odvodi u internu oborinsku kanalizaciju te ispušta u potok Ljuskava. Po izjavi podnosioca zahtjeva planirano je, kako je predviđeno u projektnoj dokumentaciji, da će se otpadna voda sa platoa i manipulativnih površina prikupiti dodatnim linijskim rešetkama i odvesti u separator masti i ulja zatim preko okna za monitoring ispustiti u potok Ljuskava.

Prilikom uviđaja na terenu utvrđeno je da nabavljen separator ulja koji još nije ugrađen zbog posljedica poplava koje su zadesile podnosioca zahtjeva i koje su uticale na finansijsko ulaganje. Po izjavi podnosioca zahtjeva aktivnost ugradnje separatora i ostalih aktivnosti na vezanih za radove na sistemu za prikupljanje, tretman i ispuštanje otpadnih voda, planirana je u narednom periodu, u roku od 6 mjeseci.

Snabdijevanje vodom za potrebe predmetnog objekta se vrši sa gradskog vodovodnog sistema a sanitarne otpadne vode se ispuštaju gradsku kanalizaciju za šta je podnosilac zahtjeva pribavio saglasnosti od nadležnih organa.

Skladištenje otpada od ulja koja se koriste za podmazivanje mašina se vrši u prostoru namijenjenom za tu namjenu.

Podnosilac zahtjeva je pribavio vodnu dozvolu za korištenje vode i ispuštanje sanitarno-fekalnih voda od nadležnog organa.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „TALK“ d.o.o. Kreševo ispunio minimum uslova za izdavanje vodne dozvole za ispuštanje otpadnih voda iz proizvodnog pogonakovačnice sa pratećim sadržajima, izgrađenim u naselju Resnik 9, Kreševo, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata


Nihad Pezo, dipl.inž.grad.

Dostaviti:

- „TALK“ d.o.o. Kreševo, Komari 5, Kreševo (Prilog: Tehnička dokumentacija pod tačkom B. ovog rješenja)
- ☉ „AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava